

1 Tesalonaika

Pâlanj Tesalonaika am ekņengat zapat meluwanj ņeņañ kapi kumti beme mege

Pâlanj zapat meluwanj kapi kukņangāt kuye. Egaņ Kolin mka temaņ tati Tesalonaika dapmelanġe ekņengat zapat meluwanj kapi kumindaye. Kolinmak Tesalonaika mka temaņ zut ke msat temaņ kwegat keņan talip. Loma gapmangalen plowins ikņak ikņak. Kolinan Akaia plowinsyet keņan tazin ma Tesalonaikayan Masodonia plowinis keņan tazin. Kegogapmti Pâlanj Kolin mka temaņ tati zapat meluwanj kapi kumti Tesalonaika dapmelanġe ekņenmagen beme mege. Tesalonaika mka temaņ ke nembu gazenan matazin. Zuda am isikņañ bukņen mme penaņ msat mtoņ Glis am. Tesalonaika mkaen Zuda am ekņengalen sesewat mka tage keyepmti Pâlanj Zisasiyan gakimti wageyelen zet zapatnaņ ke met diindome kumâpme Tesalonaika mka pemti Belia mkaen towepme mâtoti mâpme Aten mepmamtan (Nembayelen Muluwin 17:1-14).

Pâlanj zapat meluwanj kapi yaņañ kulekiyet kuye? Egaņ Tesalonaika dapmelanġe ekņenmak belaknik bukņen tati koge yaņgut Pâlanj ekņengat kemberj mtiyepm zapat meluwanj kapi kumindain. Ekņenaņ amnaņ ek ku mâbien sepem keboņ ke amnaņ ekņen indomâpme keyet nâmnukņañ ku mbep nâmtiyepm kumindaye.

Ekñenan nâmkĩpepeyen alakñati kobien keyepmti zemgwatnañ zet notnañ mimindaye. Zisasiyañ sakwep kokogalen zet ke bukñen tembenik zapat meluwañ kapiyet kumindamti zemâtâtât omba penañ mge.

Zet ñotekñañ teman kapigogañ 1 Tesalonaika zapat meluwañ keñanen talip:

1:1 Pâlañ dapmelange indamukuye

1:2-3:5 Pâl Zisasiyañ mulup sasañañ ke mimiyeleñ zemâtâtât zet notnañ kuye

3:6-13 Pâlañ ekñengalen nâmkĩpepeñañ ma notn notn mamayet tikñañin omba tatindaye keyet zemesewatindaye

4:1-12 Pâlañ mama mimi dolakñañ mimiyet zemgwatnañ mge

4:13-5:11 Pâlañ msatmak kululuñ asekmalu menok sambe sokbewe keyet zetnañ zeye

5:12-28 Pâlañ an kwep kwep mukumindemâge

Zet yañbemzenzeyelen zet

¹ Neñmak Silwanusmak, Timoti, nsakwep kapi tati zapat meluwañ kapi Kawawañ Bipm ma Amobotnañ Zisas Kilaisiyelen am mange Tesalonaika mka teman talip ingat kumti bemann kozin. Ma egelañ in keñ taolet ma keñ sewakñañ mimindandayet nâmti mandundunup.

Tesalonaika am ekñengalen nâmkĩpepeñañ am notnañ meleñ belañ bemindeye

²⁻³ Mti nin Bipm Kawawañmagen nâmkĩpepenti kwitnañ kwitnañ dolakñañ sambe mamimelip keyet maotnâmindenup. In Kawawañgalen am mange ekñenmagen mulup windenñañben mti

Amobotnaŋ Zisas Kilais kokogat penaŋ webe-
mti matalip keyepmti nin mandundunup katan
ingat nâmti Kawawaŋgat wisikŋ manzenup.
⁴ Kilaismagen dapmeniŋne in kapigok nâit,
Kawawaŋaŋ ingat keŋaŋ temaŋ beme ikŋaŋgat
zapat penaŋ indaombemindeye. ⁵ Nin inmagen
Kawawaŋgalen Zet Zapat Dolakŋaŋ Penaŋ mti
kobenn ke wan am ŋengalen zet belakŋaŋ yek.
Zet ke Emetak Tenmak ma windenaŋmak e penaŋ
ekmâtâpmann delaŋ zeme ingat tunjuwinan kop-
mamti indamukulem mti mambenn keyet yaŋaŋ
ilin nâmndeip. ⁶ In buŋam zapat timkitikpenti
nin ma Amobotnaŋ ikŋaŋ ndapmâti mambien
kan keyet nukŋaŋ sambe penaŋ amnaŋ ingat
palen bewien. Yaŋgut keyet keŋan Emetak Tenŋaŋ
keŋin mme oloŋen etaŋ bemâbien. ⁷ Âpme in
mama mimiŋin dolakŋaŋ ke mme am Masedonia
msalen ma Akaia msalen am nâmkŋpepemak
mamaip ekŋenaŋ in indikti ingalen set dolakŋaŋ
keyegak mâti mbien. ⁸ Wa in nâme Mase-
doniamak Akaia msalen ke meti Kilaisiyelen
mulup mbien ewan msat zut ke etaŋ ku tage
nâmkŋpepeŋinaŋgat zapatnaŋaŋ msat sambe
bee mekopme am sambeyaŋ nâme delaŋ zemâge.
⁹ Nin inmagen kobenn kan keyet in mukulem
dolakŋaŋ mimndawien ma nin zet zemann
nânâŋak keyegak nopiom notnaŋ sambe masese-
watsamtemien e peme tapme Kawawaŋmagen
koti Kawawaŋ alik main ma ek penaŋ suk-
wep tazin ek masesewatsaip. ¹⁰ Kegok mti
Kawawaŋgat Nemuŋaŋ Zisas kululuŋengatnaŋ
gilik zemti kobe keyet damuŋ matalip. Ek Bip-

manꞑan gakikiengatnan buteme wati moge. Nin ekmak watekumti manup keyet mti ninmagen Kawawaꞑgalen weꞑbowanꞑ ku sokbewe.

2

Pâliyanꞑ Tesalonaika amgat tunꞑuwinan mamti mulup mge

¹ Kilaismagen notnne, nin inmagen ke kot lueꞑset mamtemen ke wa belak penanꞑ ku mam-benn. Nin mulup ingat tunꞑuwinan mbenn eyet penanꞑan sokbeye. Keyet yanꞑan ilin ꞑep nâmtalip. ² Pilipai am ekꞑenanꞑ kasa ꞑenzinziꞑ minndame keyet keꞑan nâmisim mamti mulup mbenn e ilin nâip. Yanaman inmagen kegogak mulup mman am notnanꞑan kasa ꞑenzinziꞑ minndame keyet keꞑan Kawawaꞑanꞑ winde ndame epumti ingat tunꞑuwinan ke mamti Kawawaꞑgalen Zet Zapat Dolakꞑanꞑ Penanꞑ diindowenn. ³ Nin inmagen mulup kop mbenn ewan nin zet dâsuki diindomti imbiyet zikat ma tetimaemae mulup ku mbenn. ⁴ Kawawaꞑanꞑ ikꞑanꞑ yanꞑ minndigeyanꞑ nin Kawawaꞑgalen Zet Zapatnanꞑ Dolakꞑanꞑ Penanꞑ kapi ꞑep zenzeyelen beme mulupmanꞑ kapi ndaye. Keyepmti nin wa amnanꞑ sekꞑ mot ndendeyet nâmti ku maminup. Kawawaꞑ ikꞑanꞑ etanꞑ ningalen mulupgat oloꞑen mimiyeꞑ nâmti maminup. ⁵ In nâip, nin inmagen kobenn ke wan in mânep ndandayet nâmti zet kelakꞑanꞑ mimindasât ku kobenn. E Kawawaꞑanꞑ ke nâme egat zikatnan penanꞑ zenup. ⁶⁻⁷ Nin inmagen ma am notnanꞑ ekꞑenmagen kwizet buꞑamak

bembeyet ku manâmtemenn. Nin penaŋ Kilaishiyelen zemindendeŋaŋ an manup keyepmti in kwizet buŋam temaŋ ndandayet nâmbenek benagen nin bewelep kwisak mimindamann in kwizet buŋam temaŋ ndawiek. Keyaŋgut nin inmak mambennen sewak sewak mamtemenn. Imbi ŋenaŋ nembraŋaneyet gogot mti indadamuŋ dolakŋaŋ mamin sepem kekok mimindati mambenn. ⁸ Nin ingat tikŋaŋ penaŋ manâmindenupgapaŋti Kawawaŋgalen Zet Zapat Dolakŋaŋ Penaŋ inmagen zenzeyet tikŋaŋ kwapem penaŋ tatndain. Yaŋgut ke etaŋ yek. Nin ingat nâmtikŋaŋ mamimindenupgapaŋti ingapm sek sindem temaŋ matinup. ⁹ Kilaismagen notnne, in nin nnaŋgat seŋ bandim mimiyelele mulup nukŋaŋ sambe tambuyet ma kasupgat mamtemenn keyet otnâit. Nin Kawawaŋgalen Zet Zapat Dolakŋaŋ Penaŋ inmagen manzemtemenn kan keyet in sek bandim kwileki ŋen ndandayet ku indawekuwan.

¹⁰ Kegok mti nin Kilais nâmkijpepeŋaŋ am ingat tuŋguwinan kwetepemaŋ ma mama teŋ ma mimiyaŋgupaŋ mamamtemenn ke in ma Kawawaŋgalen ilinsakwep ningat mamannaŋgat yaŋaŋ ŋep nâmtâtndeip. ¹¹⁻¹² Nin nembra biwinaŋ nembraŋine indamukulem dolakŋaŋ mamimindeip. Sepem kekok in an kwep kwep indamukulem mti kenjin mim eleŋ beleŋ bemindemti gwatnaŋ mimindewenn. In Kawawaŋgalen zemâtâtât katnanen mama ke ma mama kanzizit ego egoŋaŋmak ke motitiyet indazemtetime kobien. Keyet in mama mimi dolakŋaŋ Kawawaŋgalen nâmtikŋaŋ maminen ke

etan mti mambep.

¹³ Nin inimagen zet koti zewenn ke wa am nenyelen zet yek e Kawawaŋgalen zet ke zemann in nâmti timkitikpewien keyepmti nin Kawawaŋgat wisikŋ manzenup. Keyepmti pigok zema nâit: Kawawaŋaŋ am nâmkŋpepemak ingat keŋinan mamti mulup mamin. ¹⁴ Kilaismagen notnne, nâip. Kawawaŋgalen dapmelange Zudia msalen mamaip ekŋenaŋ Zisas Kilaismak metusumti mame ilinaŋgat noline ekŋenaŋ kasa nenzinziŋ miindamti indomwalet mbien. Sepem kegogak inimagen sokbemindaye. ¹⁵ Zuda am ekŋenaŋ wan nin Kawawaŋgalen mulup kapi mman egan nâmdeme dolakŋaŋ tabeinmak zemtati mamti Amobotnaŋ Zisas ma Kawawaŋmagen zet mti zenze an indomti eyetnan suluŋ tapme am belakŋaŋ notnaŋ timtoindemti nin mee pi sisipeŋpeŋ minndamti ndapmâtimâti maminndeip. ¹⁶ Mti am Zuda maŋgeen ku sokbembeŋaŋ ekŋenmagen Kawawaŋgalen Zet Zapat Dolakŋaŋ Penaŋ diindomann nâmti Kawawaŋmagen keŋ gilik zenze aiikgalen eyo mambekekndeip. Ekŋenaŋ kegok mti yom mti mimiek mamkwatnepeme Kawawaŋgalen nenzinziŋaŋ sokbemindaye.

Pâliyaŋ keŋaŋ temaŋaŋ ewe Tesalonaika am met indidigat manâmtan

¹⁷ Kilaismagen notnne, inmak kan belatnik kapi segaŋ etan kalaŋ mekoti manup. Âpme nânânaŋ in ku katimindewenn. Keyepmti nin set zigoset aikti kot indiksenup zemti mulup

teman mamipun. ¹⁸ Nin nep penan kot indik-benakgalenanjut kan notnanjat kosât mman Sadanan mambekekndein. Âpme nenn penan kan notnanjat nenak etan inmagen kokogalen penan manembentan. ¹⁹ Nin msalen pi alik mamti inmagen mulup sek sindem ke yanjan kwilekiyet matinup? Amobotnan Zisasiyan kobe kan keyet inmak nin nsakwep egat zimosetnan lindiŋ motati in ningat keŋŋ mme oloŋen bewe ma nin mulup mbenn keyet penanan in motapme indikbanup keyet nâmti webepen mananup. ²⁰ Ingapmti nin segeyak mti keŋŋ oloŋen mamnup.

3

¹ Keyepmti nin ingat keŋ sindem ke tetak ku nânâyelen nâmtiyepm neŋmak Silwanusmak kapigok nâmtalati nit ndak Aten mka teman tati ² nit Timoti Kilaismagen meniŋnit ek nitmak Kawawanjat mulup mamnup ek pemalu eweŋan inmagen koge. Egan Kilaisiyelen Zet Zapat Dolakŋan Penan mampalakŋan bein kogogapmti egan indamukulem mme Kilaismagen nâmkipepenin winderanben nep butem wat indendeyelen mulupman mge. ³ Kogogapm inmagengatnanan kukŋan palen tati gilik pemti naman mananin itnanan ku mebep. In nâmtalip kukŋan kebon kapi Kawawanjan nin titiyet nâmti bempaye. ⁴ Nin in eweŋan amnan sisipepen mimindawep e mandiindomtemenn. Keyet katan masokbemindamkwazin e in nâip. ⁵ Âpme nep ingat keŋ sindem tetak ku nânâyelen nâmti keyepmti Timoti inmagen pema

nâmkîņpepeņinaņgat yaņaņ eegalen koge. Mneti Sadaņaņ tetimindeme ningalen mulup belak penaņepiņ benakgapmti ek pema koge.

⁶ Keyaņgut Timotilak ninmagen gilik pem koti ingalen nâmkîņpepeņin ewe tapme noli-naņgat keņin mambein keyet zapațnaņ ilak min-dame nâmbenn. Nin inmagen mulup pembe-naņ mbenn ke nâmti in kot ndidikgalen manâip nin sepem kegogak imkot indidikgalen manâup.

⁷ Kilaismagen notnne, ninmagen nukņaņ ma sisipeņpeņ kogeen ingalen nâmkîņpepeņin ewe kaliņaņ tazin keyet zapațnaņ nâmbenn keyaņ keņņ m eleņ belaņ bemndeye.

⁸ In Amobotnaņmak penaņ wetekumti ewe mamambep beme nin keyaņ keņņ m eleņ beleņ bemndeme nin nukņaņ sambe e ñep timann dukņnanen mopme mulup nâmisimti mbanup.

⁹ Nin mulupmnaņgat penaņaņ in sokbewien ke nâmti keņņ segeye-gaņ bemisikme oloņen palen tati Kawawaņgat wisikņ manzenup.

¹⁰ Nin tambu msa pi Kawawaņaņ set ñen aikndame in ewe kot indikti nâmkîņpepeņinan nukņaņ ñen taindain beme ke ekti indamukulem mimiyet nâmti dundundu mulup katikņaņ maminup.

¹¹ Kawawaņ Bipm ikņaņ ma Amobotnaņ Zisasiyaņ set ñen weyaņme inmagen kokogalen nâmti mandundunup.

¹² Nin Amobotnaņaņ indamukulem mimindeme tunģuwinan ma am notnaņ ekņenmak gogot palenegak etaņ mamayet nâmti mandundunup. Sepem kegogak nin ingat gogot mimindamti manup ¹³ Kegok mme Amobotnaņaņ gwatnaņ mimindeme

tapmetnepeme Amobotnaŋŋ Zisasiyaŋ gilik zem koti am egalen bemberaŋŋ indatimkobe kan keyet in Kawawaŋŋ Bipmgat ŋenzimosetnan kenin kwetetepmaŋ ma yompiŋ piyaŋ motabepgat nâmti mandundunup.

4

Amnaŋ mama dolakŋaŋ mamayet Kawawaŋŋ nâme tikŋaŋ mambein

¹ Pinan kwileki ŋengat kumindasowap. Kilaismagen notnne, in nin mama mimi dolakŋaŋ Kawawaŋŋ nâmtikŋaŋ mamnne keyet yaŋaŋ zikat indamann ekbien. Ke mâti mamip. Kegogapmti Amobotnaŋ Zisasiyet pemberaŋgarm mama mimi dolakŋaŋ kapi tusumti ewe penaŋ mimiyet nâmti meluwaŋ mimindanup. ² In zet zemzikat indam mbenn e Amobotnaŋ Zisas ikŋaŋgalen zet penaŋ e in nâip. ³ Kapi Kawawaŋŋ in mimiyelen nâmtikŋaŋ mamn ma egaŋ in imbimak set kileŋ mamaipiŋ kwetetepmaŋ penaŋ mamayet manâin. ⁴ Keyet mti an kwep kwewaŋ imbi wasâti Kawawaŋgalen seleset dolakŋaŋ maip sepem kegogak imbi kwep wati egat nâme mobotnaŋ beme mukulem mpemambe. ⁵ Mamti in am Kawawaŋŋ ku manâmkinpeip ekŋenaŋ imbiyet eyak mti set kileŋ mamaipnok ku mambeip. ⁶ Nin eweŋan Kawawaŋgalen nânâ tazin ke mâti pigok diindowenn. An ŋenaŋ an ŋeniyet imbiŋaŋ menzem wabe beme Amobotnaŋŋ an keyet yomaŋgat dopmaŋ mobotnaŋ penaŋ mutumsawe. ⁷ Kawawaŋŋ nin imbimak sek

kilenj mamayet ku ombemndeye egañ ikñañ mama mimi nâme dolakñañ mambein ke mti teñ mamayet ombemndeye. ⁸ Keyepmti an ñeñañ zet ke zemtalabe beme egañ amgat ku zemtalabe Kawawañañ Emetak Teñañ manndain egat zemtalabe.

⁹ Keyepmti in Kilaismagen noline ekñengat keñin bembe keyet nin zemâtâti meluwañ ku kumindandayelen. Noline tunguwinanen mamaipgat keñin bembe nânâ ke Kawawañañ ikñañ eweñañ keñinan baen bempewe. ¹⁰ Penañ sukwep, nolinañgat keñin bembe nânâ ke in keñinan tazin keyet mti in am Kilais nâmkinpepeñañ Masedonia msat katanj mamaip ekñen indamukulem mimindewien keyepmti Kilaismagen notnne in mama mimi dolakñañ kapi ewe weyañ tusum mimiyelen nâmti diindonup. ¹¹ In mama mimi mtot sewakñañ palen mama keyet nâme mobotñañ bewe. Mti belinañ muluwin mme weme ilinañgalen keyetñañ tim nimti mamambep. Zet e eweñañ inmak ke mamti diindowenn. ¹² Sepem kekok mbep beme in am nâmkinpepeñinpiñ ekñengat zikalinan mama mimiñin dolakñañ sokbewe. Mti ilinañgat sekñin ekdamuñ mti mamambep.

Amobotñañ gilik zemkopme kwitñañ kwitñañ kapigok sokbewe

¹³ Kilaismagen notnne, nin in am gakikiñañgat yañañ pigok diindomann nâit. Am nâmkinpepeñin Kawawañmagen etañ ku tazin ekñen webembenpiñgapm nolin gakime keyet si kemberñ omba mamip, kekok in ku mbep.

¹⁴ Zisas gakimti ewe gilik zemti wage yan maneti Kawawaŋaŋ naman zempeme gilik zemkosâpmnen am Kilais nâmkijpemti gakiwien ekŋen koindati ilinsakwep mebep. Zet kapi penaŋ e nâmkijpem tatiyepm zenup.

¹⁵ Zet kapi Amobotnaŋaŋ ikŋaŋ zeyeen keyegak nin sakwalamti diindonup. Amobotnaŋaŋ gilik pemkobe kan keyet am aligaŋ am itnaŋaŋ gakikiŋaŋ ekŋengat damuŋ tapmann ekŋenaŋ am sumengatnan ŋeŋaŋ wabep. ¹⁶ Amobotnaŋaŋ ikŋaŋ kululuŋengataŋ kopmambe am ningat zet busup kuwe ma Kawawaŋgalen ensel ŋeŋaŋ bembeyaŋ kwizet kume Kawawaŋaŋ lumun temaŋ kumbuwe. Kilaisiyaŋ topme am ek nâmkijpemamti gakikiŋaŋ ekŋenaŋ ŋeŋaŋ am sumengatnan wapmâbep. ¹⁷ Wapme wapme keyegak Kilais nâmkijpepeŋaŋ alik tabanup nin ma am gakikiŋaŋ ekŋen nsakwep lumaŋ moti muŋgulubugen gwaen Amobotnaŋ aikbanup. Mtiŋgut nin ekmak kwesiŋ mepmamambanup. ¹⁸ Kogogapm zet kapi zenâmti ilinak nâmkijpepeen dopmaŋ mukulem dopmaŋ mukulem mti mamambep.

5

Amobotnaŋaŋ kobe keyet damuŋ tabep

¹ Kilaismagen notnne, kwitnaŋ kwitnaŋ kapi sokbewe keyet kan nin ku nânup. Keyepmti nin Zisas kan keyet penaŋ kobe ke zemâtâti ku kum indasenup. ² Amobotnaŋaŋ kosât mbe kan keyet egaŋ am kambu titi ekŋenaŋ kambu tisât

pempetuk makolip sepem kegogak egaŋ pempetuk timkwabe. ³ Amnaŋ pigok zewep, “Kan pi ninmagen mamasiyaŋ weme keyepmti totatat pembedaŋ tatnup.” Kegok zemti tapmnepe me kan keyegak kasa tunjuwinan sokbeme ekŋenaŋ ŋep ku kunzuŋbep. Imbi kambakmagaŋ tatneti nempa sindemaŋ pempetuk masokbemindain sepem kegok sokbemindawe. ⁴ Kilaismagen notne, in kwitnaŋ kwitnaŋ sokbewe keyet yaŋaŋ ku kandalip. Keyepmti in manepeme Amobotnaŋaŋ kobe kan keyet in ku endilipewep. Am ekŋenaŋ nânâpiŋ tapmetnepeme an kambu titi ŋenaŋ kopme ekti maendilipeip sepem kegok ku mbep. ⁵ Nin msayet sosok mamti mama mimi pembedaŋ mamnup. Wa nin am tambuyet enzilim mamti mama mimi bekaŋaŋ mamip ekŋen keboŋ yek ⁶ keyepmti in eksepeŋ mambe p. In am notnaŋ ekŋenaŋ muluk maweip kegok ku mambe p. In Kilais kokotnaŋgat damaŋ eksepeŋ kaik tabep. Am tu katikŋaŋ nimti sebelin sukŋaŋ beme mulukgat manzalim talip kegok ku mbep. ⁷ Am muluk weweyelen ekŋenaŋ tambuyet muluk mawep ma am nânâŋinpiŋ ekŋenaŋ tambuyet tu katikŋaŋ nimti keŋin kilen beme tambu sutnan kaliyaŋ kwisagat matalip. ⁸ In msayetgalen am keyepm nin tu katikŋaŋ nimti keŋ kilom ku mbanup. Nin nâmkinpepe ma am notnaŋgat gogot mimi keyaŋ mowenok sembe mti mambanup. Kawawaŋaŋ yomenganan aŋgalaŋndewe ke aiikgalen webem mama keyaŋ sipakandak bunduŋinok beme munduŋ mambe p. ⁹ Kawawaŋaŋ nin wa sek sin-

dem ndamti ndawalalatgat ku ndaombemndeye. Egan Amobotnaņ Zisas Kilaisiyet pembedangapmti teziņ ńandangalen selengatnan gilik zemti ndatitiyet ndaombemndeye. ¹⁰ Nâip, egaņ nin ekmak mot mamayet nâmti ningat mti gakiye. Keyepmti nin ewe alik mambanup ma gakiwanup beme egaņ kobeen nin nsakwep ilindiņ ndatime mopmâbanup. ¹¹ Keyepmti in sepem mamip kegogak nâmkĩņpepeņinan notnaņaņ notnaņ gwatnaņ mpem notnaņaņ notnaņ gwatnaņ mpem mti mukulem mukulem mti mambep.

¹² Kilaismagen notnne, in damuņine tunģuwinan mamti mulup windenãben mamip ekņengat nâme mobotnaņ beme zelin gawepumti ekņengat kandaņinan mtot mambep. Ekņen keyaņ mama mimi dolakãaņ zikat indamti zemusuwetindeme in ke mâti mimiyet nâmti Amobotnaņaņ ikãaņ ombemindeye. ¹³ Ekņen keyaņ ingat tunģuwinan mulup mamip keyepmti in ekņengat nâmindeme mobotnaņ igagen penaņ beme gogot mimindewep. Mti ilinaņgat tunģuwinan mamasiyaņ weweyet eyo mulupmaņ kalĩaaņ mbep.

¹⁴ Kilaismagen notnne, nin in pigok penaņ mimiyet diindosâpmnup. In am wisatoņ ekņen an keņoo mimindewep ma am kiņgapeņ maip ekņen zemgwatnaņ mimindeme windenĩnben tabep. Ma am sugak sugak maip ekņen indamukulem mimindewep. Mti am sambe ekņenmak sewakãaņ palen etaņ mambep. ¹⁵ Nâip, in am ńenaņ myunģum indame in dopmaņ sepem kegogak ku mimindawep. In ilinaņgat tunģuwinan mama mimi dolakãaņ etaņ

mti eyetnaŋ am notnaŋ ekŋenmak sepem kwep kegoak mmambep.

¹⁶ Kan kataŋ oloŋen palen mambep. ¹⁷ Mti tambu msa dundupen mamambep. ¹⁸ In Kilaisiyet zapat mamaip keyepmti in nukŋaŋ palen mamti Kawawaŋgat wisikŋ zepen mimiyet nâmtikŋaŋ mam.

¹⁹ In Emetak Tenŋaŋ ammagen mulupmaŋ msâpmme e ku mautukek pemambep. ²⁰ In anaŋ Kawawaŋmagengatnaŋ zet matimzep. Zet ke zemtalatpemti windenaŋ ku mtot pewep. ²¹⁻²² In zet sambe nâmtimti weyaŋ mendesim ekti pembedaŋ weyaŋ mimkitikpemtimitati bekaŋaŋ notnaŋ bee time mepmâbe.

²³ Neŋ Kawawaŋ an keŋ sewaktoŋ egaŋ in indapmme kwetetepmaŋ bembeyet nâmti egat mandunduyap. Egaŋ in indadamuŋ mme nâmamaŋin ma keŋin ma sekŋin esemten kakane-muŋak manepeme Amobotnaŋ Zisas Kilaisiyaŋ kobe. ²⁴ Kawawaŋaŋ am ikŋaŋgat nemunambaŋane penaŋ bemti mamayet zetik mimindeye keyet penaŋaŋ elak in eyo ke sokbemti mamaip.

²⁵ In nin Kawawaŋaŋ ndamukulem mimiyet nâmti kegoak dunduwep.

²⁶ Âpme nâgât weŋnok in Kilaisiyelen dapmelange notnaŋ maip ekŋen ke notn mimindemti indamukum belin butemindewep.

²⁷ Âpme neŋ Amobotnaŋgat zikatnan pigok zemkatikbeyap. In zapat meluwaŋ kumbema kozin kapi mti Kilaisiyelen dapmelange sambe ke maip ekŋen makumindame nâme delaŋ zewe.

²⁸ Amobotnanŋ Zisas Kilaisiyelen keŋ taolelan
inmak kwesiŋ wemeti wembe.

Kawawangalen Tâtâ Alakŋaŋ
The New Testament in the Nabak Language of Papua
New Guinea
Nupela Testamen long tokples Nabak long Niugini

copyright © 1988 Wycliffe Bible Translators, Inc.

Language: Nabak

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-30

PDF generated using Haiola and XeLaTeX on 21 Feb 2024 from source files dated 31 Aug 2023

ea68a902-358a-5c72-82de-a583fc4809e7